

Auch ist das offentlich am tag / das es nit vmb 6 vnnnd nach 6 geschehen sey / nach vnsern stunden: Was het sich sonst Dionysius Arcopagita zu Athen in Kriechen land verwundern dorffen der finsternus? die weyl sie nach vnsern stunden in der nacht geschehen war: Dañ Er sprach / Enzwer Got der natur leydet / oder die ganzwelt wirt zergchen.

Also wil ich die yrrthum hyngelegt vnnnd außgelescht haben / vnd sprich / das dise stunden der ganzen Bibel vom auffgang der Sonnen gezelt werden / vnd der Tag sey langk oder kurz / so ist er in 12 gleiche tayl oder stunden getaylt. Als wir auch lesen in den Geschichten der Apostel / im 2. Capitel / das Petrus sprach / Sie sindt nit truncken / wie jr wehnet / sinteimal es ist die dritte stund am Tage.

### Das Acht Cap. Von dem gegenwurff der xij. zaichen vnd ordnung der vij. Planeten.

**I**n diesem Instrument oben findest du die xij zaichen mit ihren Charactern angezaygt / vnd die  $\equiv$  stehet neben dem  $\vee$  / bedeutet das  $\vee$  vnnnd  $\equiv$  gegeneinander über am hymel stehen:  $\gamma$  vnnnd  $m$  auch gegeneinander / also nach ordnung / wie du vor augen siechst. Auch hast du zwüschen den selben zwayen stund linien herab zu steygen / die ordnung der 7 Planeten  $\text{h } 4 \text{ } \text{♂} \text{ } \text{☉} \text{ } \text{♀} \text{ } \text{♁}$ . Neben dem  $\text{h}$  stejet der zyffer 1 / bedeutet den Sonntag / 2 stehen darunder / also bis auff 7 das ist die ganze woche: 2 bedeutet den Montag etc. Neben 1 stehet die  $\text{☉}$  / bedeutet das die erste stund am Sonntag frú die  $\text{☉}$  regirt. Bey der  $\text{☉}$  stehet 4 / bedeutet / das die ersten stund am Sonntag zu nacht 4 regirt. Also must du auch von andern verstehen.

### Das ix. Cap. Von den behesten xvj ster nen / die zu der nacht vhr gebraucht werden.

**I**s ist nicht not von den xvj Stern / die bey den Thierkraiß der Landtschafft stehen vil wort zu machen / dann es ist darinn khain anderer verstand / denn ich im nechsten Quadranten beschriben hab: darumb wil ich dir nit mer allhie angezaygt haben / dann das du von einem stern / nach anzaigung der gestüpfsten lini / hin ein faren müst / mit einem messerspis / bis an den Zodiac deiner Polushöck / so hast du die stat des sterns gefunden auff deine wonung.

### Das X. Cap. von dem zodiac der zu nacht gebraucht wirdt durch dise xvj. stern.

**I**n beiden seytten hast du neben den virteyn der stunden / die xvj. stern / mit iren bildnußen angezaygt: daneben auff yetlicher seytten ein halben zodiac / allein mit Charactern der zaichen vnd iren graden angezaygt: dardurch findet man gar leichtlich die stund zu nacht / wie du nachuolgend im brauch lernen wirst.

### Das xi. Cap. von der meßlantter / vnd den ärmlein / dardurch die lantter vnd das ganz In strument gebraucht wirdt.